

DISSERTATIO INAUGVRALIS CHIRVRGICA

DE

HYDROPE TVNICAЕ VAGINA-
LIS TESTICVLI EIQVE MEDENDI
VIIS VARIIS

QVAM

RECTORE ACADEMIAE MAGNIFICENTISSIMO
SERENISSIMO DVCE AC DOMINO

DOMINO

CAROLO AVGVSTO

DVCE SAXONIAE IVLIACI CLIVIAE MONTIVM (ANGARIAE
ET GVESTPHALIAE LANDGRAVIO THVRINGIAE REL.

CONSENSV

GRATIOSI MEDICORVM ORDINIS

PRO GRADV DOCTORIS

SVMMSIQVE IN MEDICINA ET CHIRVRGIA HONORI-
BVS AC PRIVILEGIIS RITE CAPESSENDIS

A. D. XX. IVLII CIOIOCLXXXII.

PVBLICE DEFENDET

AVCTOR

HENRICVS ERNESTVS IVSTI

ROTLBERODA - STOLLBERGENSIS.

7 ENAE LITTERIS MAVKIANIS

THE UNIVERSITY OF CHICAGO

HYPOCYCLOCYCLIC VOLUME

NO. 1212 IN THE SERIES
1912-1913


EDITED BY
THE UNIVERSITY OF CHICAGO
CHICAGO, ILL. 60637

CAROL V. A. V. T. G.

THE UNIVERSITY OF CHICAGO
CHICAGO, ILL. 60637

THE UNIVERSITY OF CHICAGO
CHICAGO, ILL. 60637
1912-1913
THE UNIVERSITY OF CHICAGO
CHICAGO, ILL. 60637

THE UNIVERSITY OF CHICAGO
CHICAGO, ILL. 60637
1912-1913
THE UNIVERSITY OF CHICAGO
CHICAGO, ILL. 60637



§. I.

De hydropse tunicae vaginalis testiculi iam acturus, minus sollicitus sum de ipsius morbi definitione, quia naturae eius atque conditionis cognitionem ex denominatione facile assequimur, quippe qui non nisi praeternaturalis humorum sub testis tunica vaginali collectio haberi debet.

§. II.

Ante vero, quam in ipsius argumenti pertractatione ulterius progrediar, descriptionem aliquam certe partium affectarum anatomicam praemittere non alienum videtur.

Testium *involucra* sunt et *communia*, quae cutis cum cuticula, substantia cellulosa et tunica dartos formant, et *propria*; nimirum tunica vaginalis testiculi et tunica albuginea. Tunica vaginalis laxè involuit testiculum, ita, ut superius, antè, interius et maxima ex parte posterius libère propendeat, E con-

trario albuginea cum ipsa testis substantia aequae ac epididymidis, arctissime cohaeret.

Alius vero est situs testium in foetu, alius in homine nato. In foetu adhuc in abdomine, ubi etiam formantur, pone peritoneum delitescunt, ibique tela tantum cellulosa compactiori, quae vera est peritonei continuatio, multis vasis instructa lymphaticis, obuoluntur. Haec est sic dicta *albuginea tunica*. Instante uero partu, sensim descendunt testiculi ad loculos seu processus, quas format peritoneum, per anulum abdominis in scrotum traductos, quorum substantia tela est cellulosa compacta. Plerumque patent in foetu hi loculi, ideoque hoc tempore immediatam cum cauo abdominis communicationem habent, ut absque ullo impedimento et commode satis huc descendere possint testiculi.

Non ita multo post partum haec communicatio intercipitur, hiatus fere clauso, ut caeteris visceribus denegetur aditus. Testiculi vero in vaginali libere propendent, nec usquam cum illa cohaerent, excepto eo loco, ubi in parte fere superiori et posteriori tunica vaginalis intime coniungitur cum albuginea testium, eique tam firmiter adhaeret, ut distincte satis perspicere possimus, utrique huic tunicae unam eandemque esse originem.

§. III. De functionibus

Intra harum tunicarum cauum vasa exhalantia fluidum quoddam deponunt, quod impedit, quo minus tunicae coalescant; Illud enim numquam non animaduertimus in statu sano. Quod si vero istius humoris eadem quantitas, quae sensim exhalatur, sensim quoque non resorbetur, vel si vasorum resorbentium function-

functiones, ex quacumque tandem sit causa, inhibentur, ibi magis magisque, confluit, et quia praeter ista vasa, nulla alia natura data est via, per quam latex defluere possit serofus, debet is profecto, mole sua quotidie aucta, distendere tunicam vaginalem, et tali modo gignere hydropem tunicae vaginalis testiculi.

§. IV.

Ex structura ergo tunicae vaginalis, iusto tempore clausae, facile intelligere possumus, cur humores neque ex tunicae vaginalis interstitiis in abdomen ascendere, neque ex hoc in illud descendere iterum queant, ut olim crediderunt, sed necessario intra tunicam vaginalem, nisi per artem educantur chirurgicam, manere debeant. Quandoque tamen usu euenit, ut eo iam tempore, quo loculi seu processus peritonaei nondum sunt clausi, id est, in foetu, ubi adhuc latent testiculi in abdomine, tanta humorum ex cavitate abdominis collectio in his processibus facta sit, ut, loculis post testium descensum clausis, per vim vasorum absorbentium diminui et dissipari amplius nequeat. Hinc moles quotidie augetur, et tumor scroti sensim pedetentimque oboritur, qui vocatur *hydrops tunicae vaginalis testiculi congenitus*. Hic morbus non adeo rarus est, ut vulgo creditur, sed plerumque pro pneumatocele falso habetur.

§. V.

Superfunt adhuc tres formae hydropis scroti, *Anasarca* nimirum, symptoma hydropis totius corporis, cuius sedes est in tela cellulosa scroti; deinde *hydrops tunicae vaginalis vasorum spermaticorum*, qui sedem suam habet in cellulis huius tunicae. Veterum cognitio huius morbi falsa erat, quia credebant, hanc



tunicam aequae, ac vaginalem, saccum formare, quo inclusa sint vasa spermatica, quique etiam humores contineat. At enim vero sic dicta haec tunica nihil est, nisi tela cellulosa multis atque magnis instructa cellulis, quaeque vasa spermatica in abdomine inestit, iisque modice adhaeret. Simulac vero per annulum e cavitare abdominis egressa est, substantia compactior et cellulae multo minores fiunt. Denique huc spectat *hydrops cysticus*, qui ex collectione humoris in vnica tantum cellula tunicae sic dictae vaginalis funiculi spermatici oritur, quam sensim distendit. Hic morbus adesse potest, salua et perfecte sana reliqua huius tunicae parte.

§. VI.

Morbus vero, de quo nobis sermo est, neque cum anasarca scroti, neque hydrope tunicae vaginalis vasorum spermaticorum, neque hydrope cystico iam nominatae tunicae, quidquam commune habet, sed est morbus per se, vereque topicus, qui sola vaginali tunica testis continetur. FALLOPIVS (a) hanc aegritudinem, licet veram eius non satis perspexerit originem, cognouit tamen, et exquisite descripsit: „*Hydrops, inquit, tunica etiam vaginali saepe includitur, et ab hydrope tunicae vasorum spermaticorum dignoscitur, quia in hac specie morbi testiculus ab aquis seiunctus est, et facile tactu percipi potest, minime vero in illa, quia humores et testiculus in eodem sunt loco, atque ideo aquis circumdatus est.* Optimam vero et accuratissimam huius hydropis speciei descriptionem PAVLLVS AEGINETA (b) nobis reliquit; „*Humores, ait, colliguntur maxima ex parte in tunica*

ery-

(a) Obseruat. Anat. Venet. 1564.

(b) Lib. De Re Medica L. VI. C. 62. p. 576. Coll. Steph.

erythroide, quae ambit testiculum in parte anteriori, ubi haec membrana a testiculo maximae distat., Secundum WARNERI (c) observationes incolis australis regionis familiarior est morbus, quam qui frigido sub caelo viuunt. At enim vero in Anglia quoque frequens est. Nulli parcit aetati, sed aequae adultiores, ac infantes, quibus saepe est connatus, diro malo obnoxii sunt. Mox dextrum, mox sinistrum scroti latus occupat, quandoque etiam vaginalis vtriusque testiculi eodem morbo tenetur, quamuis inter harum tunicarum caua plane nulla sit conspiratio. Tumor non semper vnam eandemque habet magnitudinem: haec enim a maiori aut minori humoris plerumque pendet collectione; plerumque dico, quia haud raro non praeternaturalis solum scroti et vaginalis tunicae crassitudo, verum morbosum etiam testiculi incrementum tumoris magnitudinem adaugēt. Modo maior, modo minor, et ab initio rotundus est tumor, formamque habet testiculi, sensim vero fit piriformis, quo tempore inferior eius diameter superiori longe antecedit magnitudine. Porro sub initio ad tactum mollis est, tandem vero, mole perpetuo aucta, tantam acquirit dūritiem, vt pressui digitorum aut parum, aut nihil prorsus cedat: in quo statu prae se fert speciem sarcocèles et scirrhusi testiculi. Vt plurimum absque omni est dolore, et, quae WARNERI est opinio, propter tunicarum sensibilitatem deficientem et expansionem tunicae vaginalis pressumque albugineae et testiculi sensim auctum. Neque hoc tempore inflammatio subest, nisi sit causa morbi; Tunc enim omnino secum adfert dolorem, imprimis in partibus aponeuroticis. Quo maior copia humoris, eo difficilior est status et conditionis testiculi diagnosis, quae tamen ad morbum sanandum summe necessaria est.



In genere vero ubi magna etiam aquarum moles tumorem effert, testiculus tamen sanus est, licet quidam crediderint, testiculum perpetua inundatione morbosum fieri, et nexus vasorum hoc incremento destrui. His autem aduersatur experientia. Saepe enim magna humorum euacuatur quantitas, sano adhuc testiculo: namque status morbosus testiculi non est effectus humoris effusi, sed potius causa. Testis scirrhusus impedit, quominus humorum circuitus rite fiat, obstructa sunt vasa, et ex hac causa morbosa feri collectio in spatio tunicae vaginalis facile oritur. Tunc vero maximam voluminis partem constituit morbosus testiculus, minime humores, quorum exigua quantitas secundum auctorum observationes hoc tempore ut plurimum esse solet, quid! quod prius eiusmodi conditio testiculi adest, quam ulla humoris accumulatio sentiatur.

§. VII.

Quod ad opiniones auctorum aequae falsas ac diuersas attinet, morbus variis ex causis oritur. Quidam enim non dubitant, quin causam in vasa seminis cum emulgentibus coniiciant. HILDANVS (d) itaque, BONNETVS (e), DODONEVS (f), SCHENCKIUS (g) et alii errorem loci urinae incusant, et ex hac ratione, hydropem tunicae vaginalis, causa interna exortum, semper fere sinistram occupare testiculum, credunt, quem inundet latex serosus, per venam spermaticam sinistram ex renali sinistra ad illam traductus. Hos omnes autem CAROL. MUSITANVS (h) ob hanc


(d) Opera omnia Observat. Chir. Cent. IV. Obs. 56.

(e) Sepulcret. Lib. III. Sect. XXIX. Obs. 21. §. 3. Schol.

(f) Obs. Cap. 39 et 40.

(g) Lib. II., de hydrope Obs. 6. 7. 10.

(h) Chirurgia T. I. Cap. 57. pag. 260.



hanc sententiam vituperat. „*Putarunt, inquit, vulgares chirurgi, hydrocelen in scroto non generari, sed a partibus supernis aquam descendere, sed haec sunt insulfitates.*„ Quidam statuunt, eiusmodi serosum laticem in scrotum destillare a vasis urinariis illud ad vesicam deferentibus, si in eorum tunicis raritas aliqua vel a naturae primordiis facta sit, vel temporis processu per vim acrioris urinae superuenerit. Crediderunt alii, aliquid humoris aquosi a rene ad scrotum defluere, sed quales ductus id efficiant, non docent. FABRICIUS ab AQUAPENDENTE (i) cum LANFRANCO contendit, morbum quandoque solummodo esse symptomaticum, et hydropem vniuersi corporis comitari. Alii statum morbosum hepatis in causarum habent numero, quo iure, nescio,

§. VIII.

Adhuc sub iudicis lis est, quae sit huius morbi vera causa proxima. Quidam in statu varicoso vasorum spermaticorum eam positam esse aiunt, et fortassis RVYSCHIVS (k), qui fouet hanc sententiam, illud exinde conicere voluit, quia in hominum cadaueribus, qui hoc morbo laborarunt, varicosa vasa spermatica inuenerat. Rectius MORGAGNIUS (l) sensisse mihi videtur, qui morbosa constitutione internae tunicae vaginalis, et externae tunicae albugineae testis causam primariam contineri affirmat. Equidem sic existimo, omne id, quod humorum exhalationem in hoc cauo auget, vel necessariam humorum sorbitionem impedit, idoneam causam constituere, ex qua morbus ducere possit originem.

(i) Pentateuch. Chir. Lib. I. P. I. Cap. 27.
 (k) Aduersar. anatom. Decad. III. p. 20.
 (l) De sedibus et causis morbarum L. II. Ep. 20. Obs. 24. p. 196.



nem. Quare WARNERVS (m), non alienus a re, debilitatem et relaxationem tunicarum et vasorum, horumque subitam lacerationem, vel irritationem, quae ex inflammatione aut vehementissimo dolore oritur, quibus afficiuntur vasa lymphatica, ideoque turbatas vasorum exhalantium et absorbentium functiones, huius aegritudinis causam pronunciat. Ecquis itaque meliorem huius hydropis speciei aetiologiam iam tradidit literis, quam BOERHAAVIUS (n)? *Fit hydrops, inquit, inuolucris vaginalis testis, si humor ibi secretus non resorbetur suis vasis, sed stagnat, accumulatur, vesicam suam distendit in immensum saepe; aut si ruptis et obstructis vasis itidem colligitur: Observatum fuit hunc morbum produci ab omni causa, quae valet liquidum serosum ita coërcere, ut redire nequeat in venas, sed stagnet, vel ipsa vasa rumpat ita, ut intra membranulas effundatur, aut vasa reducentia a cavitatibus ita obstruat, et liquida in cavitatibus deposita tam parum moveat, ut non exhalent, nec resorbentur.,*

Eadem fere MVSITANVS (o) nos docuit. „Oritur, inquit, hydrocele, cum ductus lymphatici intra testium tunicas contenti, vel occluduntur, ex quorum occlusionem nimiam non purgantur latices, et per haec vasa impeditur transitus; vel a lymphae copia rumpuntur, vel liquoris acrimonia eroduntur. Huc etiam spectat vasorum debilitas et raritas, praecipue accedente aliqua causa externa, ut percussione vel compressione., Ad tardiores aut celeriores tumoris amplificationem haud parum sana confert confi-

(m) L. c.

(n) Aphor. de cognosc. et cur. morb. Apho 1227. 1228,

(o) L. c.

constitutio corporis. Sensim plerumque increfcit, et ab initio parua est ac sine vilo incommodo tumor tunicae vaginalis, qui ex debilitate et relaxatione, fortassis etiam vasorum lymphaticorum exhalantium laceratione, proficiscitur, cum e contrario summa vasorum reforbentium debilitate et intercepto humorum circuitu morbus subito augeatur.

§. IX.

Iam vero quaeramus, quodnam sit signum huius morbi primum. Licet omnes omnino auctores tumoris pelluciditatem tale signum declarauerint, nihilo secius tamen est omnium longe fallacissimum. Haec enim non aequè ab humoribus, ac ipsis potius tunicis, quae illos includunt, vnice pendet. Collectionis saccus, vt magni BOERHAAVII (*p*) verbis vtar, qui pelluciditatem tumoris signis huius hydropis quoque annumerat, candela lucenti expostus, cernitur quidem clarus, verum non semper radii lucis admotae translucent. Tunicae enim vaginalis crassitudo augetur, praecipue si malum sit inueteratum (*q*), quid? quod integumentorum communium crassitudo saepe tanta est, vt radii lucis ea ne possint quidem penetrare. Contra vero si morbus adhuc recens est et subito ortus, neque integumentorum diameter vltra, ac par est, auctus, candela admota per saccum aliquo modo cernitur. Interea illud quoque debetur humoribus qui partim nimia sua copia impediunt, quominus lux translucere queat, partim vitiosi sunt. Non semper enim limpidi, sed etiam haud raro turbidi, imo sanguinei, vt CELSVS (*r*) et PAVLLVS AEGINETA (*s*) iam monue-

(*p*) L. c.

(*q*) MONRO an Essay on the Dropsy - p. 165.

(*r*) De Re Medica Lib. VII. Cap. 18.

(*s*) L. c.



nuerunt, fusci, liuidi ac fere nigricantes, quin etiam coagulati inueniuntur. Tutissimum et certissimum ad morbi diagnosin efficiendam tactus est, nisi quando haec difficilis redditur morbi complicatione. Quandoque enim fit, vt coniunctus sit cum hydrope tunicae vasorum spermaticorum, hydrope cystico et oscheocele. Interea hae complicationes rariores putandae sunt, de quibus tamen, quia notari omnino merentur, infra pluribus dicere animus est.

§. X.

Quodsi ergo morbus simplex est, funiculus spermaticus eo loco, vbi testiculum intrat, ad annulum vsque abdominis accurate et distincte tactu percipi potest, ac tumor intra funiculum propendet spermaticum. Accidit autem, vt tunica vaginalis aquarum mole veluti sursum attollatur, ideoque vix ac ne vix quidem funiculus amplius discerni possit. Attamen si, qualis sit harum tunicarum positus et figura, ex anatome bene perspectum cognitumque habeas, facile veram et tutissimam hydropis tunicae vaginalis assequi possimus diagnosin. Vaginalem enim tunicam laxè inuoluere testiculum, supra iam exposui; attamen ista non prorsus, vt quidam credidere, libera est, sed in testiculi parte posteriori, fere media, magis tamen superius, albuginea ita coniuncta est, vt inde euident sit et perspicuum, vaginalem testis et albugineam vnā eandemque habere originem. Idem ille locus, quia propter structuram ab aquis immunis, atque hanc ob causam ad tactum durus est, digiti exploratione facile detegitur atque cognoscitur, et sic morbi natura rite definitur, cum e contrario tumor; qui circumcirca est, nisi semper mollis sit, nec aquarum fluctuatio sentiat, pressui ta-

men

men, in summo etiam morbi gradu, aliquantum concedat, licet illico resiliat. Hic vero locus digito prementi resistit, et, pressu continuato atque aucto, dolor ille singularis testiculi conquassati excitatur. Signum illud non ad veram solum morbi diagnosin, verum ad illius etiam sanationem suscipiendam pernecessarium et maximi momenti est. Punctura enim seu incisio vbique, e loco tantum excepto, vbi vtraque tunica coalescit, ideoque testiculo et epididymidi facillime inferri potest laesio, expers est omnis periculi. Hac re facile distinguitur non tantum ab anasarca scroti, quae vbique aequali modo tumet, in qua nullus locus tactu percipi potest durus, et tumor vbicumque cedit digiti pressurae, nec illico resilit; sed quoque ab hydrope cystico tunicae vaginalis funiculi spermatici, qui fere eandem habet figuram, ac hydrops tunicae vaginalis testiculi; tumor vero aequalis est, nec locus digiti appositu durus persentiscitur. Porro in enterocoele testiculus intra tumorem tactu distingui potest, isque etiam ad annulum vsque abdominis ascendit.

§. XI.

Maiores vero testiculus scirrhus meretur attentionem, qui ad collectionem laticis in tunica vaginali multum confert, siquidem vasorum resorbentium functiones facile euertere possit, et ex hac causa saepe coniunctus cum hac specie hydropis sit. Difficilem ergo reddit huius morbi, simplicis nimirum, diagnosin, quam tamen ad perfectam medelam summe necessariam esse, nemo in dubium vocabit. Vno enim ore medici testiculi scirrhusi suadent extirpationem. Verum enim vero quia humoris collectio est effectus scirrhusi testiculi, ex praegressis coniectura facile assequimur, morbum praesentem esse complicatum. His

addas dolorem, duritiem et inaequalitatem, quae omnia notantur, antequam adfuerit aliqua fluctuatio. Porro funiculus spermaticus morbosus inuenitur, et plus minus crassa, anfractibus vndique interstincta varicibus quae plena eminentia suboritur. Hic morbus multum differt a simplici hydropé tunicae vaginalis, quamuis etiam magnitudo testiculi praeter naturam augeatur, quoniam, ut observationibus constat, illius et funiculi spermatici vasa aliquomodo distenduntur. Hydrops autem tunicae vaginalis adesse potest absque omni morbo testiculi conditione, id est, vasa spermatica nihilominus suo munere rite perfunguntur. Humoris ergo collectio est effectus scirrhusi testiculi, tuncque peculiari et ab ea, quae hydropi tunicae vaginalis competit, longe diuersissima opus est medendi ratione. Etenim hic punctura aut incisio ad aquas euacuandas non solum irrita foret, sed tristissimum quoque haberet euentum, quin ipsam haud raro inferret mortem. Laticis euacuatio ad morbi sanationem nihil facit, quia symptomata tantum, causam vero, obstructionem scilicet vasorum et duritiem testiculi, non auferit. Eandem testis venereus desiderat circumspeditionem, qui itidem ad illius similitudinem accedit, et tamen, ut morbus antea descriptus, longe aliam medendi viam requirit, ac aegritudo, quam huc vsque descripsimus. Ex historia morbi autem, et vita praegressa fere dignoscitur. FABRICIVS HILDANVS (r) et CL. POTT (u) nos satis superque docuere, quanta sit pernicies, quantum periculum pertimesendum a peruersa medicatione. Alia enim est curatio testiculi scirrhusi, alia herniae humoralis seu testiculi venerei, alia hydropis tunicae vaginalis testiculi.

§. XII.

(r) L. c.

(u) Abhandl. von dem Wasserbruch etc. 2. d. engl. übers. Kopenhagen. 1770.

§. XII.

In genere duplicem habemus medendi viam, *palliatiuam* et *radicalem*. Vtraque cernitur operatione chirurgica. Quidam medicamentis internis et externe adplicatis morbum depellere tentarunt, quare apud veteres magnam medicamentorum farraginem commendatam inuenimus, semper vero absque vlllo fere successu adhibitam. Attamen si fides habenda WARNERO (w) est, haud raro in infantibus, nunquam in adultioribus, medicamenta euacuantia, iusto temporis intervallo repetita, irritantia atque adstringentia, partim morbosae externae applicata, hunc morbum felicissime sustulerunt (x).

At vero medelae palliativae ea est ratio, ut incommoda, quae tumoris pondus et magnitudo infert, quoad eius fieri potest, auferantur, idque fit humorum euacuatione. Sensim vero quia sedes morbi intacta relinquitur, noua scaturit aquarum moles, eamque ob rem iteranda operatio est. Haec, in se spectata, nullius, maioris vero momenti est instrumentum, quod in auxilium vocatur, atque locus, quo punctio instituitur.

§. XIII.

Alii vsi sunt cultro acuto, alii acu triquetra, cannulae sulcatae immissa. Minus autem expectationi satisfacit vulnus cultro inflictum, cuius labia, cultro extracto, statim coeunt, quare cannulam inducere cogimur, qua acus triquetra iam instructa est. Melius itaque acu perficitur paracentesis. Quaeritur autem, quinam locus ad puncturam ma-

B 3

(w) L. c.

(x) MONRO Med. Ess. and obs. Vol. V. P. I. p. 312.



xime fit idoneus. Cum ex iis, quae supra iam exposuimus, satis pateat, eorum falsam esse opinionem, qui putant, testiculum in vaginali nullis vinculis ligatum propendere, et in superiori tantum parte adhaerere, nec arctissimam tunicae vaginalis cum albuginea coniunctionem in parte posteriori et fere media cognitam habent; puncturam hoc loco institutam propter metuendam testiculi et epididymidis laesionem esse periculosam, quilibet facile perspiciet. Quid? quod intima harum tunicarum cohaerentia impedit, quominus humores effluere possint. Locum ergo ad punctionem aptissimum inuenimus in infima scroti parte, quia tunica vaginalis a corpore testis hic quam maxime distat. Sic a tem fieri solet operatio. Scrotum manu sinistra comprimitur, ut humores ad intimam sacci partem veluti confluant, et tumor resistat acui triquetrae, qua integumenta ita perforantur, ut cuspis eius extrorsum et antrorsum dirigatur. Post puncturam cannula, acu extracta, in vulnere relinquitur, et denique haec, humoribuseductis, quoque extrahitur. Iam vero non possum, quin Cl. POTTII (y) sequar sententiam, ex qua usum fomentationum aliorumque medicamentorum resoluentium post operationem vulneri adplicandorum aspernatur, quae, ut ait, apud veteres ad reciduum morbum praeuertendum magno numero praescripta et commendata legimus. De qua sententia sectiones anatomicas et experientiam appellat. Linteo carpto et suspensorio contentus est, nec puncturam ullius esse momenti, nedum periculi plenam, et, saepe intra aliquod horarum spatium coalescere vulnus, interdum quamvis rarius, inflammari, et leuiter suppurare, quandoque vero ad tunicam usque vaginalem penetrare, ac medellam efficere radicalem. (z) Interdum

(y) L. c.

(z) SAVIARD Obs. Chir. obseru. 49.

terdum gangraenam, periculum, quin etiam mortem sequi putaturam, idem auctor (a) est.

§. XIV.

Iam antiquiores medici, ut et recentiores, multas litteris commendarunt medendi vias ad perfectam curam obtinendam, easque ob morbi notionem variam varias. Quisque enim ex praedjudicata opinione hanc illamque medelam praeferebat, et eventum votis respondisse gloriabatur. Sic LEONIDES (b) vitionem omnibus aliis auxiliis anteponendam putabat, GVIDO de CAVLIACO (c) causticis medicamentis folliculum consumebat, orsenico escharam faciebat, et saccum suppuratione deuasabat, VALESCVS de TARANTA (d) curationem narrat ab ipsius sodali peractam, qui durum folliculum in hydrocele latentem perforauerit, aquam expresserit flavescentem, et setaceo malum denique superauerit. AMBROSIVS PARAEVS (e) totam aperire hydrocelen et setaceum traicere suadet. AMATVS LVSTITANVS (f) hydrocelen repetita incisione sanauit. PETRVS FRANCO (g) setaceo quidem vsus est, eam vero medendi rationem omnibus aliis praefert, sub

(a) POTT an Account of the Hydrocele, Obs. 21. 22.

(b) LEONIDES de hydrocele. vid. AETIVM Tetrabibl. IV. Serm. II. c. 22. p. 692. Coll. Steph. Cap. 21. et RHASEVM Lib. XI. de horn. omnis generis.

(c) Chirurgia, Tract. VI. Doctr. II. Cap. I.

(d) De medend omnib humani corpor. affectib pag. 333.

(e) Collect. oper. chir. Lib. VII, Cap. 17.

(f) Curat. med. Cent. II. Cur. 84.

(g) Traité des hernies



sub qua totum ferro aperitur scrotum, turunda immittitur, et vulnus lente consolidatur. GVILIELMVS FABRICIVS (*b*) hydroceles sanationem incisione, tunica, aquae sede, ligata, absoluit. DANIEL SENNERTVS (*i*) incisionem at AVICENNA (*k*) scalpellum et cauterium commendat. MARC. AVR. SEVERINVS (*l*) saccum scalpello candente perforavit et setaceum traiecit. ZACVTVS LVSTANVS (*m*) per syphonem immisissum hydrocelen sanauit. THOMAS BARTHOLINVS (*n*) hydroceles sanationem tutam esse per simplicem puncturam, testatur. BERNARDINVS GENGA (*o*) tubuli vsum, per factam incisionem exiguam immissi, et acus BARBETTI, improbat, laudat setaceum, quod CORNEL. SOLINGEN in vsum vocauerit. CHABERT (*p*) de effectu exoptatissimo causticorum in hydroceles sanatione gloriatur, contra IO. NEPOM. ab HVMBVRG (*q*) neque setaceum, neque acum triquetram, neque caustica medicamenta perfecte sanare hydrocelen, sed necesse esse, vt sacculus per longitudinem dissecetur, experimentis comprobare ausus est. THEODORICVS (*r*) ait, „*Cura hydroceles est, vt incidatur cutis testiculorum sectione ampla, longitudine: excorietur, donec ad locum aquae peruenias, deinde perfora.*

(*b*) Obs. chir. Cent. IV. obs. 65.

(*i*) Medic. pract. Lib. III. P. IX. Sect. I. Cap. 7.

(*k*) Lib. III. Tract. I. Cap. 6.

(*l*) De efficac. med. Lib. II. P. I. Cap. 78.

(*m*) Prax. med. admir. Lib. II. obs. 84.

(*n*) Obs. med. ab HENR. et MOINACHEN. obs. 18.

(*o*) Anatom. chirurg.

(*p*) Observations de chirurgie

(*q*) Obseru. de hydrocet. cur. rad.

(*r*) Chirurg. Lib. III. cap. 36.



fora, ut aquae effluant. Inuestiga, num testiculus sit corruptus. Qui si fuerit, cum ferro calido incidatur, extrahatur, deinde curetur vulnus, donec sanatur. Quando dimittitur testiculus corruptus, aegritudo patitur recidiuam., Quae omnia iisdem verbis scripta iam legimus in BRUNI Chirurgia (r). CELSVS (t) commendat extirpationem tunicae vaginalis, PAVLLVS AEGINETA (u) laudat incisionem et extirpationem, BERN. GORDONIVS (w), IO. ANGLICVS (x), LVCIDARIVS (y) et HOLLE- RIVS (z) cauterium in deliciis habent, cuius vsum CAROL. MVSITANVS (a) improbat. „Nonnulli scrotum, inquit, ut aquam educant, cauterio aperiunt, verum perperam faciunt, Nam vlcus inde succedens difficulter sanatur, quia hydrocele est scroti hydrops. Hydropicorum autem vlcera, teste HIPPCRA- TE (b), aegre sanantur., Porro IO. ZECCHIVS (c) et IO. PVLVE- RIVS (d) laudant sectionem.

BOISSIER de SAVVAGES (e) recenset varias medendi vias „Radicalem curam, inquit, obtinebis sectione in scroto facta,
ope

(r) Chirurg. magna Lib. II. Cap. II.

(t) L. c. Cap. 19. de test. natur. et morbis eorum.

(u) L. c. Lib. VI. Cap. 62.

(w) Opusc. med. Part. VII. Cap. 7.

(x) Prax. med. Rosa angl. dicta, de hern. p. 166.

(y) Tractat. quartus Cap. 12, de hernia

(z) De Morb. Intern. Lib. II. Cap. 62.

(a) Chir. T. I. Cap. 57. p. 263.

(b) Aphor. Sect. VI. Aph. VIII.

(c) Consult. medic. consult. LXIII.

(d) Medic. Pract. Cap. 100.

(e) Nosolog. Method. T. I. p. 168.



ope scalpelli a superioribus ad inferiora; porro ope caustici, quo longitudinaliter scrotum aperies, deinde adhibito setaceo, quod ope acus grandioris per supremam ac lateralem scroti partem deorsum traicies. Sunt et aliae methodi, ut illa RVYSCHII et MARINI, quarum etiam HEISTERVS (f) mentionem facit. RVYSCHIVS (g) scrotum in superiori et laterali parte incidebat, et ad excitandam inflammationem et suppurationem eiendam, turundam, unguento rosaceo, mercurio praecipitato rubro permixto, illitam, per vulnus traiciebat. Hanc imitatus est MARINVS (h), ea tamen cum mutatione, ut loco turundae cereo digiti crassitudine et trium digitorum transversorum longitudine uteretur. SHARP (i) simplicis incisionis felicissimum successum multis firmat experientiae testimoniis, PLENCKIVS (k), praeter solam incisionem, omnes alias damnat medendi vias, BERTRANDI (l) testatur, hydropem testis tunicae vaginalis inueteratum ope fetacei seu turundae propter haud idoneum puris fluxum difficillime perfecte sanari, nec cannulam absque magno periculo et grauioribus symptomatibus, ut ipse expertus sit, in vulnere relinqui.

DELATTRE laudat (m) incisionem, damnat cauterium ex rationibus, et setaceum plerumque serius, saepe vero nunquam prodesse,

(f) Institut. Chir. P. II. Cap. 122. p. 792.

(g) Aduersar. Anatom. Dec. II. p. 22.

(h) In prattica delle principali operazioni etc. p. 230.

(i) A critical Inquiry into the present state of surgery p. 87.

(k) Neues Lehrgebäude von Geschwülsten XV. Claf. p. 186. vers. german.

(l) Abhand. von den chir. Operat. a. d. Ital. übers. Wien 1770.

(m) Journal de Medic. et chirurgie T. XXXII. Par. 1770.

prodesse, testatur. SCHMUCKER (n) curam radicalem incisione, sine ullo grauiori symptomate, obtinebat, id quod WARNERVS (o) etiam expertus est, licet postea turundam semper in vsum vocauerit, at vero HUME (p) iniectionem spiritus vini ex eadem ratione magni facit,

Quaedam vero horum auxiliorum ex materia chirurgica sunt proscripta, quia ex falsis ratiocinationibus eorum vsum operam se perdidisse multi perspexerint.

Huius generis sunt, ait POTT (q), vstio, ligatura et iniectio. Non opus est nobis auxilium, quod aquae descensum ex cauo abdominis in tunicas vaginales impediat, quia ex anatomica harum partium cognitione, supra exposita, facile intelligimus, aquae in abdomine retentae aditum ad involucra testiculi propria esse praeclusum. Perro hos humores, sua natura esse noxios, humorum deriuatione ad scrotum corpus aduersus alios morbos muniri, atque ad morbi sanationem gradatim obtinendam cannulam et turundam esse necessariam, nobis persuadere non possumus.

§. XV.

Cura vero radicalis duplici modo efficitur, nimirum si vel eiusmodi inflammationis gradus in vulnere excitatur, vt tunica vaginalis testiculi cum albuginea concreascit, nouaeque aquarum collectioni nullus amplius locus sit, vel si eum in finem tunica

C 2

vagina

(n) Chirurgische Wahrnehmungen 2ter Theil.

(o) L. c.

(p) L. c.

(q) Abhandl. von dem Wasserbruche p. 142.



vaginalis aut suppuratione, aut cultro aufertur. Cum olim sub curatione palliativa casu et fortuito imperfecta morbi sanatio sequeretur, ea, quae adhibuerant, auxilia, ad efficiendam curam radicalem profitebantur esse tutissima. Ea omnia autem quum inflammatio saepe in nonnullis tantum locis tunicae vaginalis et albugineae coalitum pepererit, itaque morbus denuo redierit, atque eorum usus symptomata periculosa, dolorem vehementem et fere mortem intulerit, generatim ad curam radicalem commendari non possunt. Septem ergo habemus medendi vias, nimirum per *Turundam*, *Cannulam*, *Iniectionem*, *Setaceum*, *Cauterium*, *Extirpationem* et *Incisionem*.

§. XVI.

RVVSCHIVS (r) incidebat scrotum, et per labia vulneris turundam, vnguento rosarum, cum mercurio praecipitato rubro misto, obductam, inducebat, vt inflammationis beneficio sacci vaginalis atque albugineae coalitum, eaque via nouam aquarum scaturiginem intercipiendam efficeret. WARNERVS (s) tumorem scalpello pungebat, et, aquis euacuatis, vulnus turunda quadam ex spongia filoque armata opplebat, post superimponebat emplastrum, puotidie vero nouam submittebat turundam ad tertium vsque diem, quo plerumque oriebatur inflammatio; licet haec interdum die secundo, interdum vel ipso demum vndecimo secuta fuerit. Quo facto turundam extrahebat, et vulneri vnguentae mollientia et cataplasmata imponebat. Ob infecundam suppurationem saepe accidit, vt nascerentur collectiones puris, eaeque integumentorum dissectione educendas. At vero cum hac ratione non semper morbum perfecte sanari, quandoque

(r) L. c.

(s) L. c.

que etiam mala symptomata, vomitum, febrem, dolores abdominis cet. suboriri ipse fateatur; multa sunt, quae contra dicenda putes. Primo irritatio, quem turunda facit, nonnunquam nimis debilis est, atque hac ex causa et propter minus irritabile corpus vel plane nullam, vel particularem tantum inflammationem tunicae vaginalis excitat, unde particularis quoque coagmentato et morbus recidiuus (1) sequitur, quale vitium PORT (2) aliquoties animaduertit. Deinde angustia vulneris impedit, quo minus denuo collecti humores et pus liberius effluere possint, unde noua collectio et inuolucrorum testis confectio, nec non symptomatum augmentum atque exacerbatio pertimescenda sunt, quippe refricatur dolor, et febris vehementer augetur. Denique aegrotus de vita periclitatur, nisi chirurgus conditionem testiculi antea satis cognitam habuerit atque compertam. Qui si qua ex parte fuerit scirrhusus, propter structuram vasculosam citissime in cancrum degenerat.

§. XVII.

MÓNROI (3) via medendi itidem consistit in tunicae vaginalis et albugineae inflammatione, per cannulae irritationem cienda, harumque partium coalitu; cum enim, ait, quidam tantum inflammationis gradus ad tunicarum coalescentiam sit necessarius, necesse est, ut chirurgus inflammationem augere et imminuere possit. Hanc praerogatiuam habet ista methodus. Cannula enim, si quando irritatio et inflammatio iustos excedat limites, facile


C 3

auelli

(1) WARNERVS l. c.

(2) L. c.

(3) L. c.




auelli, et sic causa inflammationis auferri potest. Sequenti modo ergo, ex MONROI consilio, aggrediendum opus est. Tumor perforatur paracentero, latex, acu extracta, emittitur, et cannula in vulnere relinquitur, eum in finem, ut irritatione sua inflammationem concitet. HENR. MOINICHEN (x) hanc medelam iam proposuit. Paruam enim faciebat incisionem, atque sic specillum plumbeum, quo irritabatur vaginalis tunica, introducebat. Primo intuitu multum commendationis habere videtur ista curandi via, quia operatio chirurgica aequae brevis ac facilis est. Merito autem quaeritur, ex quibuscumque signis iustus irritationis gradus, ad vniuersae tunicae vaginalis inflammationem necessarius, bene cognoscatur? Unde scias, vniuersam tunicam vaginalem iam esse inflammata? Quae omnia tuto satis definiri non possunt. Quare etiam de particulari inuolucrorum coalitu et morbo reciduo metuere nos oportet. Porro cannulae acumen plus irritationis creat, quam ea pars cannulae, quae tunicam vaginalem attingit, quia acumen, mutato situ et motu corporis, semper ad testiculum adigitur, quem valde affricat et vellicat. Tunica ergo albuginea, siquidem maiori, ac vaginalis praedita sit sensibilitate vel irritabilitate, necessario magis, quam vaginalis, inflammatur. Quid? quod vaginalis, inprimis si morbo sub inueterato maiorem iam acquisierit crassitudinem, ne semper quidem inflammabitur, quia spatium, intra quod cannula facile ac leniter mouetur, nimis angustum, eaque vaginalis tunicae pars, quam attingit, nimis parua est. Debet ergo, tamquam corpus peregrinum, irritationem paullo maiorem inferre, quae autem ob auctam crassitudinem, indeque diminutam sensibilitatem, ad eam inflammandam non sufficit. E contrario autem ex causis supra expositis, vehementer

mentissima albugineae inflammatio, teste experientia, vnaque grauiissima symptomata, nimirum dolores atrocissimi ac vehementissima febris, oriuntur. Ista medendi ratio ex eo tempore, quo POTT eam emendauit, mitior esse nobis quidem videtur, quippe qui per cannulam relictam in cauum tunicae vaginalis induxit cereum, propter molliorem substantiam lenius irritantem, at vero aperturam occludit tamen, atque sic impedit, quominus euacuandi humores libere effluant. Fingamus etiam, cannulam seu per eam inductum cereum tunicae vaginalis inflammationem excitare, verum tamen non ad vniuersum corpus pertinet, sed in vulneris tantum vicinia haeret. Numquam ergo ex toto, sed ex parte, cum albuginea coalescit, et ex hac causa cauum aliquod, nouae aquarum collectioni accommodatum atque opportunum, relinquitur. Quo maior corporis est sensibilitas, eo validior inflammatio, eo-que certius ea in suppurationem transit. Pus vero, quod ob vulneris angustiam effluere nequit, sensim augetur, fit acre, putrescit, vellicat, et vicinas partes corrodit; quare eius euacuatio citra voluntatem et expectationem noua integumentorum sectione praestanda est. POTT experientia edoctus, quam raro ista medendi via votis respondeat, quam facile grauiissima symptomata inferat, magis reprobatur eam, quam laudat, quia propter inflammationis et doloris vehementiam tunicam vaginalem secundum longitudinem incidere coactus fuerit, antequam perfecte sanatio sequeretur.

§. XVIII.

SABATIER (y) multus est in iniectionibus ad curam radicalem obtinendam commendandis, et HUME, vt illius fert opinio,

(y) Recherches historiques sur la cure radicale de l'hydrocele vid. Mem. de l'Acad. de chir. T. V. Paris 1774.



primus fuit, qui iniectione spiritus vini inflammationem tunicae vaginalis concitare et hac ratione morbum sanare tentauerit. Quia vero vehementissima sequebatur inflammatio, MONRO vinum, et CAPDEVILLE duos trientes vini rubri et unum trientem aquae vulnerariae simplicis cum viginti granis camphorae; CASTENET drachmas tres, SCHARP vnciam vnam, et MATAVLD vncias duas spiritus vini iniiciendas putarunt. Horum exemplum quidem secutus est SABATIER, at infelici successu, vt l. c. testatur. Tres enim illius observationes notant, hoc remedium nihil praestitisse, morbum iterum rediisse, ac semper grauissima symptomata, inflammationem, vehementem tumorem scroti, dolores acerbissimos, febrem symptomaticam et vitae periculum intulisse. CAQVET decoctum rosarum rubrarum cum alumine, et LEVRET lapidis caustici grana duo cum vnciis quinque aut sex aquae fontanae soluta, iniecerunt. Nihilo tamen secius le DRAN et DOUGLASS de iniectionum bono successu dubitant, praecipue si morbus iam inueterauerit. Fluida enim iniicienda testiculum atque tunicam irritant vaginalem; quae si nimiam ex malo inueterato contraxerit crassitudinem, inflammatur quidem, sed sola tunica albuginea. Ex hac causa morbus raro, nec perfecte sanatur, et testiculi inflammatio et albugineae, quarum partium irritabilitas et sensibilitas magna est, dolores atrocissimos, febrem symptomaticam aliaque grauiora parit symptomata. (2) Quid? quod inflammatio transit in suppurationem, vnde omnia incommoda, quorum mentio iam supra facta est, metuas,

§. XIX.

Ab antiquissimis temporibus in vsu fuit setaceum. GALENVS (a) enim aquam ope setacei extrahere iam praecipit, eumque

sequunt-

(2) SABATIER l. c.

(a) Method. Medend. IV.

sequitur GUIDO de CAVLIACO (*b*), qui per aperturam in scroto factam, postquam humores emanauerant, acum, setaceo instructam, traiciebat, idque, oleo et albumine oui illitum, extracta acu, relinquebat. Ista curandi via ex longa iam aetate prorsum traditus fuit obliuioni, et vero eam nuper POTT (*c*) multis extulit laudibus. Omnibus aliis auxiliis, quin ipsi incisioni, quam antea prae ceteris defenderat (*d*), eam praefert, facillime suscipi posse ait, raro dolores excitare immoderatos, raroque alia symptomata inferre exitiabilia. Tumorem, ut mos est, perforat acu triquetra, cannula instructa. Humoribus extractis, per istam cannulam aliam adhuc argenteam quinque pollices longam, quae illam exacte opplet, per cauum tunicae vaginalis ad anteriorem et superiorem usque partem traicit, atque sic adigit, ut externe tactum feriat. Quo facto, specillum seu acum cuspidē triquetra et funiculo ex filis serici albi instructam intromittit, eam partem vaginalis et inuolucrorum communium perfodit, quae extremam superiorem cannulam attingit. Vtraque cannula extracta, et acu a funiculo separata, finita est operatio. Ad spasmodum vehementiam infringendam viginti quinque guttas tincturae thebaicae exhibet. Tertio die oritur inflammatio, cuius symptomata, imprimis tumorem et dolorem, suspensorio, cataplasmatibus emollientibus, clysmatibus victuque accommodato mitigare an nititur. Decimo die post operationem corticem exhibet, quia sub hoc tempore tumor atque inflammatio plerumque euauit, et quotidie quinque aut sex fila extrahit. Aperturam linteocarpto,

(*b*) L. c.

(*c*) An Account of the Method of obtaining a perfect or radicale cure of the Hydrocele Lond. 1771.

(*d*) Abhandl. von Wasserbr. I. c.



carpto, et scrotum emplastro cerato obtegit. Vulnus paruum puris quantitatem fundere, hacque operatione tunicam vaginalem solummodo inflammari, minime vero suppuratione consumi, pro certo affirmat. Interea vero alii testes idonei observationibus satis superque ostenderunt, inflammationi setaceo concitatae non grauiora tantum symptomata, verum suppurationem etiam superuenire. Puris vero fluor reprimitur, quia utramque aperturam oppilat setaceum, ideoque reiteratae tunicarum incisiones sunt necessariae. Haec omnia SABATIER (e), ceteroquin de hac mendendi via honorifice locutus, hanc observationem nobiscum communicauit. „*Hanc operationem, inquit, in homine sexaginta octo annos nato, sana autem corporis constitutione, faciebam. Laborabat morbo simplici, neque enim testiculus, neque illius membranae morbosae erant. Altero die scrotum intumescere, dolor et febris exoriebantur. Venam aegroto incidebam, scroto cataplasma emolliens anodynum imponebam. Quia vero die tertio symptomata exarserant, iterum sanguinem mittere cogebar, quod multum lenimenti adferebat. Quinto die mollitiem tumoris et fluctuationem animaduvertebam. Hac re compulsus, per aperturas specillum fulcatum immittebam, et tunicam vaginalem, atque integumenta communia deorsum et sursum versus ex longitudine duorum pollicum incidebam. Magna puris quantitas profluebat. Setaceum, utpote quod posthaec magis nocere potuisset, auferebatur. Vulnere, praecipue inferius, ad diem usque decimum quartum pus abunde profundebant, tensio et tumor euanescebant, et aegrotus corticis usu vires amissas recuperabat. Idem vitium BERTRANDI et DELATTRE (f) in hac curandi ratione reprehendunt, et experientia*

(e) L. c.

(f) L. c.

tia edocti, morbum setacei ministerio propter haud idoneum
 vel plane interceptum puris effluuium difficillime, saepius num-
 quam perfecte sanari, testimoniis indubitatis comprobant. Nuper-
 rime Cl. SOMMER (g), etiam si huius methodi fautor eximius, hoc
 tamen incommodum memorauit, duplici casu superaddito, ubi
 decimo die post operationem abscessus nascebatur; iure suo mira-
 tus, quod POTT hanc rem plane silentio transierit. Quod ad
 symptomata attinet graua, quae quaecunque medendi viam co-
 mitantur, sunt inflammatio, tumor, dolor, febris et suppuratio.
 Ista symptomata setaceum vel parit, vel non. Si, eaque vehemen-
 tia, quam commemorandam duxi, hanc ob causam omnibus aliis
 auxiliis non est praeferendum: Sin vero non parit, ab illius usu
 perfectam sanitatem expectare non possumus. Ad sanationem
 enim radicalem inflammatio totius tunicae vaginalis et albugineae
 requiritur, haec vero in tam sensibili tunica utique dolorem, tu-
 morem, febrem, quin etiam suppurationem excitet necesse est;
 quae quam vera sint, ex iis, quae supra allegauimus, sat li-
 quet. Interea POTT de felicissimo usu setacei gloriatur, ea-
 que usum esse vno eodemque tempore in aegrotis, qui in vtro-
 que latere hydrope laborauerint tunicae vaginalis, siue fuerint
 iuuenes, siue senes, nec unquam graua vidisse symptoma-
 ta, semperque morbum perfecte sanasse, affirmat. Quaedam
 vero, si quid video, ex nimio erga hanc curandi viam amore Cl.
 Auctor scripsisse mihi videtur. Paulo enim ante in alio libro (h),
 in quo usum setacei multis quidem effert laudibus, ingenue ta-
 men profitetur se minime affirmare posse, se nunquam in hac

D 2

meden-

(g) Sammlung derauserlesenen Abhandl. für Wundärzte 1tes Stück p. 203.
 Leipz. 1778.

(h) Abhandl. von Wasserbruche 1. c.



medendi via grauiā vidisse symptomata. Non aliter, ac turunda et cannula, non singulari quadam vi, sed more cuiusque corporis peregrini agit fetaceum, quippe talia eam partem, in qua latent similiter irritant atque inflammant. Quaeritur autem, vtrum haec irritatio ad vniuersam tunicam inflammandam sufficiat, praecipue si ex malo inueterato iam contraxerit crassitudinem? Eam quidem (puto) inflammabit, at in vicinia tantum, quare spes perfectae sanationis ob particularem coalitum saepe irrita erit. Quod ad apparatus atque ipsam pertinet methodum POTTII, haec multis implicata est ambagibus, quod in eam CL. RICHTER (i) iam animaduertit. Huic longa incuruata acus triquetra, sub acumine foramine instructa, per quod funiculus traicitur, ad hanc operationem maxime idonea esse videtur (k), et WARNERVS. (l) acu argentea incuruata, sex pollicum longitudine, mucrone acuto, ex chalybe parata, vsus est.

§. XX.

Quia aegroti ab instrumentis acutis semper sibi timent, ad hunc timorem auertendum quidam vsi sunt caustico, quod scroto imponebant, atque sic aquis ex tunicae vaginalis caro euacuandis viam parare studebant. Sequenti autem tempore non ex hac causa solum, verum etiam ad inflammationem tunicae vaginalis excitandam adhibuerunt; Quid? quod etiam probe perspexerunt, aperturas, acu triquetra factas, nimis angustas esse, atque puris effluuium remorari. Antiquissimis iam temporibus causticum in
vsu

(i) Chirurgische Bibliothek 3. Band, 1. Stück p. 259.

(k) RICHTER l. c. p. 48.

(l) L. c.

usu fuit, at vero illud nuper Cl. ELSE (m) quasi ab obliuione vindicauit, quia mitius atque tutius reliquis auxiliis esse videbatur. Methodus haec est. Linteolum nummi magnitudine, massa caustica illitum, inferiori parte scroti imponitur, emplastro, ne dimoueat, superinducto. Sic sensim oritur eschara, quae vel defluit, vel cultro perforari debet. Ex voluntate tamen auctoris non auferendum causticum prius est, quam integumenta communia atque ipsam vaginalem tunicam corroserit. Semento cauterio, ope supensorii vnguenta adplicantur digestiua. Post viginti quatuor horas, quandoque etiam tres aut quatuor dies, aegrotus dolore in scroto, dorso et intestinis conqueritur, et arteriarum pulsus accelerantur. Haec symptomata antiphlogisticis, inprimis venae sectione et clysmatibus, praeclare mitigantur. Si eschara defluit, sub adspectum venit tunica vaginalis, eaque cultello dissecanda. Effluunt humores, et tunica vaginalis frustillatim cum pure eluitur. Intra quatuor aut sex hebdomades euanescit durities scroti, et vulnus, vnde adhuc pus effluit, sensim consolidatur. Scopus, quem laudatores caustici assequi annituntur, duplex est. Quidam enim integumenta tantum communia, non autem vaginalem tunicam caustico dissoluere, hanc vero denudare et inflammare volunt. Quod si ergo eschara defluxit, vaginalem incidunt, vt humores effluant, atque hac ratione vniuersae tunicae vaginalis inflammationem cieri, eiusque cum albuginae coalitum effici posse putant. Quidam vero non integumenta solum communia, verum iunolucrum etiam vaginae le caustico perurere cupiunt, vt aquis via absque cultro pateat, et tunica vaginalis suppuratione consumatur. Ex quibus vero signis

D 3

coni-

(m) An Essay on the cure of the hydrocele of the tunica vaginalis testis, Lond. 1770.



conicere possumus, vim caustici iam penetrasse ad tunicam vaginalem, eamque ita irritasse, ut, aquis eductis, inflammetur iusto gradu, ac cum albuginea coalescat, non liquet? Habet certe haec res multum difficultatis. Vis enim caustici non est in potestate nostra, quia ex diuersa corporis constitutione modo celerius, modo tardius, effectus suos edit; nescimus ergo, utrum ad iustum usque locum penetrauerit. Quare saepe necesse erit, ut vel nouum imponetur causticum, vel tunica vaginalis cultro discindatur. Porro vehementissimos causticum excitat dolores, quia sensim pedetentimque partes perurit. Magna est ergo irritatio, febrisque valida exspectanda. Saepe coniunctus est cum hydrope tunicae vaginalis testiculus scirrhusus. In hoc statu si causticum iam penetrauerit ad tunicam vaginalem, eamque corroserit, quandoque nimis sero morbi cognoscitur complicatio, et malum subito in cancerum degenerat. Eiusmodi exemplum hominis quadraginta annos nati FABRIC, HILDANVS (n) nobis cum comunicauit. Denique causticum non semper perfecte sanat morbum, sed is redit, ut ex observationibus NEPOM. ab HVMBOURG (o) constat, quare etiam DELATTRE ob usu expertas atque indubitatas rationes, efficaciam caustici iam aspernatus est.

§. XXI.

Tunicae vaginalis extirpatio certum est morbum perfecte sanandi auxilium, quia haec quae, sedes morbi est, radicitus cultelli ope effoditur. Hanc medendi viam CELSVS (q) memorauit. ALBVCASEM (r) vero accurate descripsit, et, qua ratione suscipienda sit operatio, dilucide proposuit. Plerumque

Scro-

(n) L. c.

(o) L. c.

(p) L. c.

(q) L. c.

(r) L. c.

scrotum et tunica vaginalis ex longitudine difsecantur, haec autem, aquis euacuatis, frustillatim, attamen sine laesione testiculī, refecari debet. Quia vero ista operatio aequae difficilis et aboriosa est, ac diuturna, SABATIER (s) eam breuiorem ac faciliorem reddere allaborauit. Ex illius ergo consilio tunica vaginalis circumcirca denudatur, et antequam effluerint humores, accūs refecatur. Obseruationes, quas DOUGLASS, WHIT, GOOCH et LOVIS memoriae prodiderunt, allegat, et ex his symptomata hanc methodum comitantia longe grauiora esse docet. „Inprimis MEDALON, dicit, eam laudat, si vaginalis indurauerit, et quasi scirrhusa facta sit, quo tempore DOUGLASS optimo cum successu eam extirpauerit. „ Quia vero testiculus inter extirpationem facile laedi potest, et tunica albuginea aëri exponi debet, non satis tuta est operatio, quae non solum vires aegroti comminuit, verum etiam omnia symptomata grauissima, eaque periculosissima, procreat.

§. XXII.

Incisionem veteres ex eo, vt SABATIER putat, tempore, quo perspexerunt, morbum imperfecte posse sanari, iam cognitam habuerunt; FARIC. HILDANVS autem primus est, qui post seculum vndecimum de ea loquitur. Magnam antiquiores medici et chirurgi incisionem faciebant in scroto, denudabant tunicam vaginalem, eamque aperiebant. Quo fiebat, vt morbus, nisi labia vulneris statim coirent, sed in his oreretur inflammatio, perfecte sanaretur. Quod saepe etiam accidebat, si tunicae vaginalis apertura satis ampla erat. (z) Neque vero satis intelligo, quid sit,

(s) L. c.

(z) PAVL. Aegineta l. c. et M. A. Seuerin l. c.



fit, quod nostris temporibus huic modo fere omnis a plerisque denegetur assensus. In quacumque operatione chirurgica aetatis atque constitutionis corporis ratio habenda est, atque prius, quam fieri vel omitti debeat, cognoscendum, virum aut bonum, aut malum exitum augurari liceat. Quod si itaque aegrotus laborat marasmo et summa debilitate, vel cachexia cet. cuiusvis operationis chirurgicae, etiam si sit haud maioris momenti, felicem tamen euentum desperare debemus. Illud axioma hic etiam valet plurimum. Quomodo is ergo, quaeso sperare, poterit, fore ut haec operatio prospere atque ex sententia succedat, qui eam, licet aegrotus tali corporis vitio, inprimis leucophlegmatia, laboret, nihilo mirus tamen audet suscipere? Haec omnia symptomata vehementiam adaugent, eaque reddunt grauiora, naturam febris, quae hanc operationem necessario sequitur, varie mutant atque exacerbant. Contra vero si aegrotus aetate adhuc floret, ac de reliquo perfecta corporis sanitate fruitur, non est dubium, quin operatio felicissime succedat. Corpus rite praeparari potest, quia plerumque in eo latent impuritates, quae postea per consensum neruorum irritant, idque eo magis, quia irritationis vis et magnitudo, quam parit operatio, per se satis vehemens est, et symptomata exasperat. Omnia symptomata solummodo a partis morbosae sensibilitate pendent. Quare saepe fit, ut hic quoque ex summa sensibilitate delirium suboriat, ad quod autem, et ad alia symptomata, phlethora et impuritates primarum viarum multum sane conferunt. Necessè est ergo, ut vena incidatur, et leni cathartico aluus citetur, aegrotus vero carniū esu et potu spirituosorum se abstineat. Diaeta sit vegetabilis. Paulo ante operationem duodecim aut quindecim guttae laudani liquidi Sydenh. propinentur, quae spasmos ac irritationem

tionem coërcent atque infringunt. Quae si modum non excedunt, lenior inflammatio mitiorque febris euadit.

§. XXIII.

Ipsius operationis, ad cuius descriptionem iam progrédior, in eo vertitur cardo, vt saccus ex omni longitudine aperiatur. Nisi enim incisura longitudinem tumoris sequitur, sub ipsa suppuratione in fundo sacci nondum dissecto pus colligitur, quod acrimonia sua symptomata adauget; Hoc vero vnaque reliqui humores euacuandi commode et liberius effluant necesse est. Tumor in anteriori parte aperiri debet, quia testiculorum situs et inuolucrorum cingentium structura impedit, quominus in parte posteriori incisuram facere possis. Ex Cl. POTTII consilio, quod nobis maxime arridet, operatio sic perficitur. Socius amplectitur scroti partem superiorem et posteriorem, vt humores versus anteriora cogantur, et saccus distendatur. Quo facto, scrotum et tunica vaginalis in anteriori parte cultro aperitur. Si chirurgus incisionem cultro etiam dilatare animo sibi proposuerit, tanta sit apertura, vt digitus index illius hiatus statim intrare possit; alias enim omnes humores effluunt, et subsequens tunicae vaginalis collapsus vulneris dilatationem difficilem reddit ac prohibet. Alii saccum vaginalem, scroto ab anulo ad fundum vsque inciso, ex omni longitudine, duce specillo sulcato, aperiunt, alii incisionem, cultro factam, forcice dilatant. Tunica vaginali rite dissecta, testiculus albuginea inuolutus sub adspèctum venit, cuius quae sit conditio, accurate, commode ac opportune iam possumus explorare. Si est perfecte sanus, tunicae vaginalis cauium linteo carpto sicco oppletur, attamen leuiter, ne comprimatur testis, quia illius tunica albuginea magna sensibilitate gaudet. Vulneri im-



nuntur lintela oblonga, vñquàm applicatur suspenforium. Ad quartum vsque diem ligatura intacta relinquntur, quia ante hunc diem raro oritur suppuratio. Saepe autem fit, vt tunica vaginalis ea duritie ac crassitudine cūa fit, vt nec post aquarum euationem se contrahat, idēoque dolorem non augeat solum, verum suppurationem etiā ducat. Quare MEDALON (u) aliquam huius tunicae partem in vtroque latere refecare suadet. Vaginalis fit dura atque crassa, si vel humores ope paracenterii aliquoties educti fuerint; vel morbus iam inueterauerit, et ex hac causa tumor valde increuerit. In quo statu chirurgus, rerum futurarum prouidus, minime aggreditur operationem obtinendae sanationis perfectae ergo; sed, suafore Cl. SCHMUCKERO (w) aliisque, punctiōnem praemittit, vt scrotum ac tunica vaginalis se contrahant, et humorum aditus ad has partes inhibeatur. Dolor et febris accommodatis auxiliis mitigari debent. Multum autem lenimenti affert et vsus suspenforii, et situs horizontalis. Dolores, qui plerumque operationem insequuntur in regione lumborum, clysmata emollientia ex floribus chamomillae, malvae et oleo lini optime leniunt. Abdomen panno laneo, decocto florum chamomillae madefacto, fomentetur. Finita operatione, internis etiam medicamentis inflammationi occurramus necesse est, inprimis potionibus ex nitro cum laudano liquido Sydenh. liquore anod. Hoffm. et syrupo florum papau. rhoeados paratis. Opium dum refrenat irritationes et spasmos, simul extinguit fomitem, ex quo facile inflammatio oriri potest vehemenssima, atque ob eam rem antiphlogistici nomen vtique meretur. Pulsus magnus, latus, fortis et corpus plethoricum venae sectionis

(u) L. c.

(w) Wahrnehmungen 2. Theil,

nis necessitatem indicant. Increfcente vero inflammatione, altero aut tertio die post operationem, vfu opii abstinere debemus. Conducit autem potio nitrata cum fale mirab. Glaub. quae fordes etiam ex primis viis subducit, vnaque impetum inflammationis minuit. Quarto die labia vulneris et testiculus iam intumuerunt, omni- aequae ad tactum dolent. Febre autem antea imminuta, quarto aut quinto die accedit fuppuratio, quam digestiuis et cataplasmati- bus emollientibus, ope fufpenforii applicandis, adiuuamus. Pu- ris fluor minuit dolorem et tumorem, cauum fenfim fit angufti- us, et denique perfecta fequitur consolidatio. Nihilominus vfus fufpenforii continuatus adhuc falutaris eft, quia testis per aliquot tempus aliquam tumoris formam retinet.

§. XXIV.

Huc vsque diuerfas hydropi tunicae vaginalis testiculi me- dendi vias pertractauimus. Iam verò reftat quaestio, quanam omnium fit optima et efficaciffima? Eam profecto talem efle puto, qua tuto ac certo morbum fanamus, ita, vt nunquam reuertatur.

Tuto medemur huic morbo, praecipue fi cognouerimus, quo ftatu, fano, an morbofo, fit testiculus. Testiculi autem fcirr- hofi diagnofin, in primis praefente hydrope tunicae vaginalis, difficillimam efle, exercitatiffimi quique chirurgi et medici ingenue profitentur.

Sola incifione testiculus ita denudatur, vt, illius quae con- ditio atque habitus fit, magnitudinem naturalem excedat, et fcirr- hofus fit, nec ne, curatius inueftigare poffis. Quae vitia fi adfint, aegrotus ftatim castrari debet. Ait quidem Cl. POTT (*), hanc

E 2

viam

(*) Abhandl. vom Waſſerbr. p. 177.



viam (loquitur de usu setacei) in aegrotis diuersae aetatis, et ubi neque causticum, neque incisionem in usum vocare licebat, felicissime se iniisse. Causas autem Cl. Auctor, ob quas morbum incisione sanare ei non licuerit, reticendas existimauit. Praeter horrorem, quo forsitan aegroti animus perstringi possit, quae incisionem dissuadeant, causas nullas subesse video, plures vero, quae iniectione, caustico, turunda, cannula et sataceo abstinere iubent. Inprimis vero huc spectat testiculi morborum suspicio. In omnibus aliis medendi viis haec vitia vel nimis sero, vel iusto adhuc tempore cognoscimus. Si hoc est, vnicum tantum superest auxilium, quo aegrotus ex orci faucibus eripi potest, nimirum testis extirpatio, quae sine incisione nulla est. Quia saepe accidit, ut chirurgus dubitet, tumor magis sit sarcocoele, an hydrops tunicae vaginalis, vel non possit suspicari testiculum morbosum, hinc omnibus aliis auxiliis anteponenda est incisio, cuius ope haec omnia manifesta fiunt. Cl. ГОУЧ (y) fluctuationem in tumore scroti distincte tactu percipiebat. Quia vero testiculum morbosum suspicabatur, setaceo, cauterio et turundae incisionem praeferebat; et cum postea testiculum scirrhosum deprehenderet, eum amputabat, et aegrotus breui tempore ex morbo conualescebat. Inprimis CHESELDEN et SHARP hanc curationis rationem reprehendunt, quoniam grauius symptomata; puta, vehementissimam inflammationem, dolorem, febrem symptomaticam etc. exciter. Nonne autem ex Cl. virorum observationibus satis constat, eadem symptomata reliquas etiam medendi vias consequi? Ipse Cl. POTT (z), qui nihil praetermisit, quantum facere potuit, quin saltem usum setacei ab omni vituperatione defenderet, ingenue fatetur, se omnes

(y) Medical. et chirurgicae observationes. l. c.

(z) L. c.

omnes medendi vias ab auctoribus laudatas, tentasse, easque omnino omnes dolorem, inflammationem, febrem symptomaticam, quin etiam vitae periculum intulisse. Quodsi operatio in corpore sanae, et cuius operationi chirurgicae accommodatae constitutionis, et cum necessaria circumspeditione instituitur atque perficitur, symptomata intra modum se continent, id quod usus et experientia iam satis comprobauit. Non enim memini, me vnquam obseruationem legere, aegrotum, hac specie hydropis laborantem, de reliquo autem perfecte sanum, usu incisionis mortem oppetiisse. Si ergo in aliis medendi viis ea non adhibetur cautio, eadem etiam symptomata periculosa insequentur. Constitutionem enim corporis morbosam, humorum prauitatem, dispositionem putridam et scorbuticam, et irritabilitatem, impotentiam, animi perturbationes aliaque vitia aequae reliquas methodos, ac incisionem, nisi antea emendari possint, periculosam reddere, quilibet, vel me non monente, facile perspiciet. Porro symptomata, quae ex impedito puris fluore propter vulneris angustiam oriuntur, hic cessant. Neque dolor enim noua incisione instauratur, neque febris et inflammatio augentur, quia incisio euacuandis humoribus ubique exitum iam patefecit.

Deinde certo ac perfecte morbus sanatur, si tunica vaginalis in vniuersum vel inflammatur, ita, ut ubique cum albuginea tunica coalescat, vel suppuratione destruat. Incisio aptae partis, nimirum tunicae vaginalis, et quidem vniuersae, inflammationem ciēt, quia irritatio inde oriunda, eam solummodo ferit, atque satis valida est. Haec autem in ceteris medendi viis prorsus desiderantur, primum, quia ad vniuersalem vaginalis, praesertim nimis crassae, inflammationem excitandam non sufficit irritatio, quam

quam illa corpora aliena ciere solent; deinde quia saepe non vaginalē, sed potius albugineam et testem afficiunt, ideoque non grauiā solum symptomata, sed saepius etiam particularis inflammatio et coalitus oriuntur, atque aegrotus in eundem morbum incidit. Id quod obseruationes Cl. virorum satis docent et extra dubitationis aleam ponunt. E contrario POTT, WARNER et omnes, qui incisionem in vsum vocarunt, morbum incisione, licet nihilo minus aliam atque aliam medendi viam ad medicationem radicalem obtinendam offerant, semper tamen perfecte sanatum esse fatentur. Quae cum ita sint, non est, quod incisionem longe tutissimum ac certissimum hydropem tunicae vaginalis testiculi perfecte sanandi auxilium praedicemus. Est ergo optima efficacissima ceterisque longe anteponenda curandi ratio.

§. XXV.

Haec fere sunt, Lector beneuole, quae de tunicae vaginalis testiculi hydropē atque medendi viis variis speciminis loco academici, pro virium imbecillitate, eaque, qua fieri potuit, breuitate, exponere volui. Me autem a viris maiori prudentia ornatis, iustisque rerum arbitris eorum, quae in pertractanda hac materia aut omisi, aut commisi, veniam facile impetraturum spero atque confido.

Errata

pag. 2 lin. 4 abdomine. lin. 9 quos. p. 8 lin. 8 inquit pag. 10 lin. 5 hydrops cysticus.
pag. 13 lin. 9. arsenico. p. 18 lin. 7. excitandam. p. 20 l. 21 unguenta emollientia
pag. 21. lin. 7. corrigentatio p. 28 lin. 18 cauo 29. lin. 24 albuginea p. 32. l. 1 metodo.